


ALEXANDRO FARNESIO IN

primis Reuerendo, & Illustrissimo Do-
mino, Andreas Thurinus Piscien-
sis Medicus prosperitatem.

ON te lateat amplissime domine, quod inter
Medicos Pontificios de bonitate Aquarum
Fontanæ, & Cisterninæ disputatio, conten-
tioq; orta est. Nec te fugit, me ex Hippocratis, &
& Galeni sententia, fontanam in hominum usu,
multis reluctantibus, præposuisse. Sed ut veritas elu-
scebat magis in tui gratiam mihi placuit rem ipsam
scriptis mandare. Quod si nostra hæc lucubratio ad
dignitatem exacte disputationis, & artis accesserit,
Deo actæ sint gratiæ cunctæ cognitionis datori.
Sed si multo citius peruenerit, quàm artis præstan-
tia est, minus iuste quisquam nobis reprehensionem
incusserit. Nam etsi quicquam ab eo, quod decens
est, decidere contigerit, humana est hæc affectio, per-
percerit vnusquisque diiudicare callens ponendo in
ibi vnde minus recte dicta summouit. Opus enim
hoc nostrum laudabilis munificentię iudicari debet,
quia hominum communi vtilitati in lucem edere
sum conatus. Tuæ autem in primis Reuerendæ, &
Illustrissimæ dignitati dicaui, quia gratum tibi fore

iudicavi, Et non ut tuo intuitu opus defendatur,
aut tua authoritas aliquem à contradicendo, retra-
hat. Is enim sum, qui dicta nostra defendere non ver-
rear, cum veritas ex omni parte sibi attestetur, & licita
ri aduersus maledicos, & contumeliosos homines
mihi facile persuadeo. At si veriora, & meliora sint,
quæ contra nos quis scribat, nostra tutari non licet,
Sed manus, & herbam dare pollicemur, honestum
enim certamen hoc reputabat Hesiodus.



QVAERITVR inter Medicoſ, quæ nam aquarum Cister-
næ, an Fontanæ, ſecundum Hip-
pocratis, & Gal. placita, optimam
optimæ comparando altera alter-
ræ præſtet in ſalubritate in potu
humano, Et q̃ pluuialis ſit præſtantior multis ex
his, quæ dicentur, facile putant poſſe perſuadere.

Hippocrates enim in libro de capitis vulneribus in
fine ait. Pluuiiales quidem leuiſſimæ, tenuiſſimæ, lim-
pidiſſimæ, dulciſſimæ, id eſt, ſuaviſſimæ ſunt. Sol
enim aquæ principium, quod leuiſſimum eſt, & te-
nuiſſimum, in ſuperiора deducit, & præripit, quod
mare, & ſal declarant. Salſum enim quod eſt, il-
lic remanet, ſalq; fit. Tenuiſſimum autem quod
eſt, ſol præleuitate præripit, quod non ſolum ex
aquis marinis, paluſtribus, lacuſtribus, cæterisq;
ſed de rebus omnibus in quibus vñ quid ineſt
deducit.

Hanc etiam eorum ſententiam confirmât authorita-
te Galeni in libro de Bonitate aque, dicentis. Aquas
vero pluuiales ſcio leuiſſimas eſſe, & ſubiles, & pu-
ras, & bonas, & dulces guſtui. Educit enim Sol,
& rapit quod eſt ſubtiliſſimum, non dulcibus de

aquis solum, sed etiam ab ipso mari. Aliquando uero à cadaueribus, & ab aliis corporibus unde putrescit citissime omnium, quando enim putrescit qualitatatum expers fit. Et qui eam biberit occupatur branchis, & tussibus, & grauedinibus capitis. In eis uero, quæ bonæ sunt, si quid decoquitur, cito decoquitur. Et si aliquod calefit, cito celefit. Et si uino permiscueris modicam ad digestionem, & urinarum secessionem erit benigna, & hæpari, & spleni, & renibus, & pulmone, sicut enim non habentes uirtutem fortiter infrigidantem decenter propitiæ sunt. Verna igitur, & hyemales temporariæ sunt, & optime, quas ego maxime laudo. Autumnales uerò, & æstiuales, cum in generatione differant, & in bonitatibus dici non potest quantum à uernalibus deficiant.

In suffragium etiam opinionis eorum adducunt Paulum Aeginetam, qui in primo libro, & capite quinquagesimo dixit. Hymbrium aqua, auctore Hippocrate, leuissima est, dulcissima, limpidissima, tenuissimaq; eo quod Sol leuissimum attrahat, & id non ex alia aqua solum, uerum ex mari quoq; & corporibus, quapropter etiam omnium promptissime cōputrescit, ceu ex diuersis qualitatibus constata. Nemo autem aquam putrefactioni opportunam deterri-

DE BONITATE AQVAVVM. IIII.

nam esse existimet, nam mutationis facilitas uirtuti
 potius, quàm uisio tribuitur. Quæ igitur aqua opti-
 me notas haber, si promptè etiam putrescat, ea cense-
 bitur saluberrima, etsi cum mutari incipit, ocellio-
 nem raucedinis, tussiculæ, & grauitatis uocis præ-
 bear. At hymbrium aqua aestiua, quæ tonitru dect-
 dit, prestantior est, quàm quæ nimbis dimissa est.
 In patrocinium etiam eorum testem citant Aetium,
 qui libro Tertio, & cap. clxxv. hanc protulit senten-
 tiam. Aquarum, quæ bibantur, quinque sunt omni-
 no differentiae, pluuiialis, fontana, putealis, fluuiialis,
 & stagnis, harum pluuialis leuissima est, & facile
 transmutatur, atq; aliis quidem affectibus optima,
 cum celerrime transcoleitur, & transeat: feбри uero, &
 dispositioni, quæ cholera dicitur, & arquatius inuulilis,
 ex eo enim, quod facile uertitur, facile in bilem tran-
 sit. Sed lippientibus destillationis, aut ulcerum ra-
 tione opitularur. Abstineant ab ea, qui acute uidet,
 neq; ad medicinas metallicas abluendas eligatur,
 plus enim habet constipationis, quàm fontana, ideo
 neq; abstergit facile, neq; coquit, neq; medefacit, & ex-
 cretiones impedit. Quod si alicubi moram traxerit,
 magis adhuc constipat, tardiorisq; transitus fit ege-
 stiones detinet, tardius concoquitur, distribuiturq;

ac destillationes gignit, præsertim si frigida bibatur. Nec deest, ut aiunt, Cornelii Celsi authoritas, qui in libro Secundo, & cap. xviii. dixit. A qua leuissima pluuialis est, deinde fontana, tum ex flumine, tum ex puteo, post hæc ex niue, aut glacie, grauior his ex lacu, grauiissima ex palude, facilis etiam, & necessaria cognitio est, naturam eius requirentibus, nam leuis pondere apparet. Et ex his, quæ pondere pares sunt, eo melior quæque est quo celerius, & calefit, & frigitur quoque ex ea legumina concoquuntur.

Potest & in horum suffragium adduci authoritas Isaach, qui in particularibus dietis cap. de Aqua videtur idem dicere, cum dixit. Sed omnibus autem aquis pluuialis est electior. &c.

His etiam addi potest authoritas Isaach quinto theorice cap. xcix. cum dixit. Aqua pluuialis cæteris aquis melior est, & saporosior, atque leuior, & mundior, sicut Hippo. &c.

Idem testatur est Rasis. xxiii. Continentis, cap. cliiii. de Aqua, cum dixit. Et aqua pluuialis Veris, & Hyemalis melior est, & in his duabus aquis est maior pars laudis meæ.

Adduci etiam potest ratio, quam quidam Achilleum purant, sic syllogizantes. Omnis aqua, quæ celeriter
hippocundria

DE BONITATE AQUARVM. V

hippocundria pertransierit, est optima, & nulla melior quærenda est. Sed aqua pluuialis est talis, quod celeriter pertransit hippocundria, ergo optima, & melior quærenda est nulla. Sumptum patet ex Galieno in Secundo de Sanitate tuenda. Item ex Orisbasio libro ad Eunapium cap. de aquarum qualitatibus, & libro Tertio cap. de aquis eligendis ex Herodoto. Item ex Paulo Aegineta libro Secundo cap. quinquagesimo.

Ego vero hisdem Authoribus, sed sanius consideratis, multis etiam aliis in medicina generosis testibus, & tandem physicis demonstrationibus oppositam conclusionem veriorē esse facile demonstrabo, videlicet, Fontanam aquam suis conditionibus celebratam, quas tota medicorum cohors Græcorum, Arabum, & Latinorum exarauit, in potu hominis cibum attenuando, ut citius, & melius per venas corporis penetrare possit, præstatiorem esse, & salubriorem. Hippocrates in libello de capitis vulneribus sermonem faciens de aquis, hanc habuit orationem. Sed optimæ sunt, quæ de locis aliis decurrunt, quæ dulces, id est suauēs, & albæ sunt, modicumque vinum ferunt. per hyememque calefiunt, per æstatem vero frigescent. Tales enim sunt, quæ de profundis fontis

bus hauriuntur, maximeque eas probatio, quæ ad solis ortum, præsertim æstiuum, prorumpunt, & currunt, quæ limpide, necessario sunt boni odoris, & leues, inde sequitur, quæ fontes ad ortum decurrētes, & securigines habent, præunctis optime sunt. Secundo loco sunt quæ ante ortum æstiuum, & occasum decurrunt, sed ad ortum potius. Tercio loco sunt, quæ inter occasum Aestiuum, & Hybernū prorumpunt. Pessimæ uero sunt quæ ad hauriū decurrunt, quæq; inter ortum æstiuum, & occasum, sed quæ ad hauriū pessimæ sunt, quæ autem ad Septentrionem nituntur, meliores sunt, quibus sicutitior. Quod quis autem sanus est, & ualidus nihil discernit, sed semper eam quæ, adest potator. Hæc Hippocrates. In quo loco manifeste patet Hippocratem illas uocare optimas aquas, & probatas, quæ Fontanæ sunt, præsertim ad orientem tendentes, non in comparatione solum aliorum fontium, sed ad reliquas omnes aquas comparate. Cum tales in substantia earum nobilitatem habeant, cum, ut dixit Hippo. supra, dulces sint, id est, suaves, & iucunde, & albe, limpide, boni odoris, leuesq; acquirunt etiam bonitatem ex cursu, ex subdio, facile per hyemem calefiunt, per ætatem frigi fiunt, a sole defecantur, & earum frigiditas remittit.

DE BONITATE AQVAVM VI
tur, a qua, vt dicemus, omnia eius vitia dependent.
Galenus etiam in primo de tuenda. valetudine pue
rum instituens, A quam fontanam potissimum pro
bavit, cum ait. At frigidaē porione prohibendos eos
esse non censeo, quod tamen aliqui faciunt, verum à
cibo plerumq; & per calores cum ipsi cordi erit, iuri
non displicet, potissimum Fontanę recentis (si copia
eius sit) cui nulla qualitas aliunde sit contracta ea si
non est reliquarum, Cauendaē vero sunt, quę ex sta
gnis hauriuntur, & quę turbidaē, & quę male olen
tes, & quę salsaē, deniq; in quibus qualitas aliqua gu
stu deprehenditur. Quandoq; optima est ea penitus
non gustui modo horum, verum etiam olfactui
omnis qualitatis experta videbitur, eadem quoq; tum
potui iucunda erit, tum plane pura. Quod si præcor
dia quoq; celeriter transiit, nihil est, quod magis ido
neam requiras. Quando si qua pura, limpidaque est,
nec potu insuaui, nihilo secius tamen circa præcor
dia hæret, hæc vitio non caret, atq; abstinendum ab
ea censeo vtiq; cum prorsus est frigida, ceterum à
calefacta non detereo, Ac tutissimum quidem sit
experientia ipsa de huiusmodi aqua iudicium fieri.
Quod si quis est, qui ex notis potius vitiis eius præ
nosse malit, cuius fons ē petra scaturiens contra se

ptentriones fluit, Solemq; auersum habet, hanc ægre
 concoctam in tardiq; transitus esse, purandum est,
 eadem nimirum calefit, frigesctq; tarde. Contra cu-
 ius ad orientem Solem fons erumpit, quæq; per me-
 rum aliquem mundum, aut puram, tolatur terram,
 eademq; calefit, ac refrigeratur ocysime hanc omni
 ætati vtilissimam esse existimandum est. Non enim
 sicuti vino, escis, exercitatione, vigiliis, somno, ac ve-
 nere, aliis alias vti pro ratione ætatis expedit, ita de
 aqua quoq; statuendum est. Sed quam non optimam
 iudicauimus, hæc vti puero, iuueni, seni conducet.
 Hæc Galenus. Quis igitur obsecro Gal. calumniabi-
 tur, qui ex proposito saluberrimam nobis vitam in-
 stituit, tamen aquam pluuiatilem tanquam præstan-
 tissimam, vt aiunt, non admisit. Sed fontanam potissi-
 mum mandauit. Quod si pluuialis fontanam præ-
 celleret, siue Cisternina eandem non doctor vtiq; sed
 proditor magis nobis fuisset, & tanto Dei dono ro-
 to nostro ætatis decursu in perniciem nostram pri-
 uasset. Et cur verum non sit professus Galenus quan-
 do Aquam fontanam præstantissimam, saluberri-
 mamq; toto nostræ vitæ temporis spatii bibendum
 scripsit. Cum hæc non gustui modo, verum etiam
 olfactui omnis qualitatis expers iudicatur, puras &

DE BONITATE AQVAVM. VII

limpidar. Et cuius fons ad orientem vergat Solem & per mearum aliquem mundum, aut puram colatur terram, quæ omnia bonitatem aquæ in sui substantia, & in origine sui cursus facile demonstrant, & quæ æstate frigesit, & Hyeme calefit, cito frigesit, & calefit Celerrime præcordia, siue hippocundria permeat, quæ conditiones omnes in pluuiatili, siue Cisternina aqua nō inueniuntur, ergo aqua fontis omnium præstantissima fuit data, concessa, & in ylum humanum ab Hippocrate mandata, cum dixit. Quibus sit vitio. & quisquis sanus est, validus nihil discernat, & ea, quæ adest, semper poterit, non iudem de pluuiatili, aut cisternina, quem postea Gal. secutus est. Quis etiam ne abest salubritatem aquæ fontanæ, & super alias aquas excellentiam, quando sola nullum in se vitium habet, cum, Galeno teste. Septimo Methodi, vitia omnia ipsius aquæ ex eius frigiditate pendent, cuius culpa, & in præcordiis diu moratur, & fluctationes excitat, & in flatum mutatur, & corrumpitur, & ventriculi resoluit robur, sic vt deterius inde concoquat. Sed nec digerendo per corpus alimento aliquid magnopere conducit, Cui sententiæ si ea addideris, quæ in Decimo Metho. dixit, videlicet, Esto autem tunc preparata in labro aqua frigida, ea frigi

dicare, ut nullam euidentem qualitatē nec prorsus
 frigidarum, nec tepidarum aquarum præferat. Sed
 qualem ea, quæ fontana uocatur, quæ & frigoris,
 quod ferit, & teporis, qui resoluit, est in medio, quod
 etiam in secundo de simplicium medicamentorum
 facultatibus dixit. Porro si nec insigniter calida, nec
 frigida admoveatur, sed uelut, quæ fontana dicitur.
 &c. Concludi itaque ex his omnibus potest, aquā
 fontanam nullum in se uisum habere, cum ea sit in
 medio frigoris, quod ferit, & teporis, qui resoluit, &
 omnia aquæ uicia ex frigiditate pendent. Itaque
 omnibus aliis aquis sola ea existente in medio neri
 to anteponitur.

Sexto etiam Epidimiorum, particula quarta, aphor
 ismo octauo, Gal. in cōmento laudat aquarum elix
 ationem, ut in maiorem formam, & naturam mur
 tentur, quam & ipse asserbat se facere quando infir
 mis aquam exhibiturus erat, nisi fontis aquæ bonæ
 scatenris facultas esset, quo loco nobis insinuat Fon
 tanæ aquæ super omnes alias excellentiam, & bonita
 tem, cum aqua fontana minime elixatione indigeat.
 Auctor etiam quicumque fuerit libelli illius, cui titu
 lus est De Rerum affectus dignotione, & medicatio
 ne doctissimum se ostendit, cum & in inditiis affe

DE BONITATE AQVAVM. VI

Etionis renum, & in cura immetur Hippocratem in
 sexto Epidimiorum, particula prima, sententiola
 quinta, cum ipse dixit. In renem dolor grauis quā
 do cibo replentur, pituitam uomunt. Cum uero do-
 lores superabundauerint, eruginosa, atq; tum quidē
 leuioreſ fiunt dolores cessant. &c. Quod si curatio-
 nem inspicias, nō nisi ipsum Hippocratem inuenies.
 In eo autem libro sermone in de aquis talem inue-
 nies. Non uidetur ab re de aqua paucis hic sermo
 nem facere, Aqua tā sanis, quā in aegrotantibus com-
 mune solatium est, & maximopere necessaria, quod
 mundanorū. & singularium elementorum, hoc unū
 sit, ex quibus uniuersi nostri corporis constitutio est
 constata. Quam ob rem de ea tuero non ociose di-
 cturus. Aqua purissima tribus sensibus iudicatur,
 gustu, visu, olfactu. Gustu, si nullam planā qualitatē
 prae se ferat, sed uideatur ab omni qualitate immu-
 nis. Visu si pura sit, sincera, & exquisitē clara. Olfactu
 si eorum nihil est, quae in aquis uiriosis esse olfactus
 testatur, ut sunt aciditas, putredo, acumen, faldedo,
 aliquod uē uirium. quod nomine careat, quae omnia
 Galenus primo de Simplici medicina ad uerbum ha-
 bet. Inde sequitur. Quatu autem continode quouis
 tempore, & modo uti possis, aqua sit purissima, de

DE BONITATE AQVARVM. IX

Galenus etiam in quarto de Tuenda valitudine docet componere apomeli, dicens, Apomeli optimum aqua conficitur, bibiturque tota æstate refrigerantis vice, potest vero cui id libet, & ad quam proposuimus intentionem eo commode uti possimum ubi coacuit id, quod ei sæpius contringit. Alias magis, alias minus, utpote ex aqua confecto non pluuiæ sicuti mulsa, sed qualibet, Quanquam potest, qui volet, ex pluuiæ aqua, id conficere, ipseque si pluuiam aquam probare id suaderem. Verum nec ipsam probo, & nihil est deterius si acefcat potissimum ad ea, quæ proposuimus. Hic Galenus aquam pluuiæ non probat, non ea ratione, quod in compositionem apomeli recte non veniat, ut quidam prudenter considerauit. Nam medicamentum hoc refrigerantis vice tota æstate bibitur, non ut abstersiuum, sed ut refrigeratiuum, ut in textu dixit Galenus, quæ etiam intentione aqua pluuiæ ingredi medicamentum, potest similiter ad ea quæ proposita sunt, nihil est deterius si acefcat, conuenit. Non est igitur, quod aquam pluuiæ non probet propter medicamentum, cum nihil sit deterius si apponatur, sed absolute videtur, quod aquam pluuiæ non probet, nec ab apomeli amouetur abstersiuæ virtus, licet cum aqua pluuiæ componatur, abstersiuo. n. a melle dat

Adduci etiam potest in fauorem nostræ opinionis testimonium Auerroris, qui in quinto sui colligit, & c. p. xxxviii. dixit. Optima aquarum secundum Hippocratem, est aqua fontium orientalium, quæ scaturit ex terra, quæ non habet nimis crassam substantiã, nec nimis mollem, vel luteam, sed si mediocris inter has, & propterea hæc aqua est suauior, & citius permutatur à calido, & frigido. Et subiunxit opinionem Rasis, quòd aqua fluminum magnorum sit melior, tamen constanter approbat opinionem Hippocratis de fontana, quæ aquam fluminum præcellit.

Iterum idem testificatus est ipse Auerroris super canonica Auicennæ in Commento, cxxxii. dicens. Quod autem dicitur hic scilicet, quòd aquæ fluuiales sint meliores fontanis, est quidem secundum opinionem Medicorū in chaquin, fontanæ tamē secundū opinionem Hippo. & Gale. sunt meliores, & ex eis maxime orientales, & super harenam incedentes.

Quod si (ut ad hominem argumentemur) libellum illum Galeno ascriptum de bonitate aquæ diligenter inspexeris, manifestū erit fontanas aquas omnes alias excellere, enim, & omnes aquæ quarumcūq; fontes versus Orientem fluunt, humiditate, & subtilitate, & bono odore, id est, non malo, & ut sint

moderate frigidaë, & calidaë excellunt alias. Visus est igitur Author illius libelli laudare fontes præ cæteris aquis in subtilitate, & temperamento qualitatum, quod, scilicet sit in medio frigoris, quod ferit, & reporis, qui resoluit, & sic nullum vitium in se continere, & idcirco eas esse optimas. Et licet videatur Author ille maxime laudare aquas pluuiiales inferius parebit, non solum, quod ea non est Gal. sententia, sed quod Hippo. & Galenus illi in faciem reluctantur.

Paulus etiam Aegineta opinioni nostræ suffragatur. Nam cum veller notis, & inditis manifestare nobis optimam aquam, posuit signa manifesta aquæ fontanaë, & hæc ad verbū sumpsit à Gal. supra, & ab Oribasio, à quo asserit se mutuo accepisse omnia, quæ ipse Paulus in primo libro scripsit. Et dixit Paulus, qui verò notis quocunque eam voler cognoscere, his, quæ dicuntur, attendat. Quæ enim ad Septentrionem spectat, Sole auersa, tarde permeat, & indomita, lente calefcit, & refrigeratur. Quæ autem ad Orientem per venas quasdam terræ, vel (ut alii emendant) per terram colata puram prorumpens citissime calefcit, & refrigeratur ocyslime potius hanc optimam esse spectandum est, hæc. n. notæ non nisi fontanæ aquæ sunt, quas diximus, Paulum à Gal. & Oribasio accepisse.

Aetius etiam hanc nostram opinionem confirmat eodem libro Tertio, cap. clxxv. quando de fontana sermonem facit, dicens, Fontanae aquae quaecunque auersae à Sole, & ex saxis erumpentes ad Septentrionem deriuant, asperae tardique transitus sunt, seroque & calefiunt, & frigesciunt. Quae uero ad Orientem fluunt, & per meatum aliquem, puramue terram excolantur, & celerrime calefiunt, frigesciuntque, tales optimae sunt, nisi forte ab aquaeductus natura aliquod vitium asciscant.

Conueniunt itaque omnes, qui contra nostram opinionem adducti sunt, Hippo. Gal., Paulus, & Aetius, Fontanas aquas ad Orientem Solem prorumpentes per puram terram excolatas, visu limpidissimas esse, gustu dulcissimas, id est suauissimas, & iucundissimas olfactui omnis qualitatibus vitiosae expertes cito calefcere, & frigescere, in hippocundriis non morari, sed leuissimas esse, quas nobilitates aqua pluuialis non habet, & ideo nec à Sole purificationem, & frigiditatem temperamentum habet, nec à ventis excolationem, quare aqua pluuialis cisternina à fontana in bonitate maxime distat. Cuius optimum exemplum, ac testimonium est, Fons Solis, qui in diuersorio vestro Graduris, siue Graduli est, aquarum omnium

perfectissima, & excellentissima, tanquàm Policretæ
statua, aquis cisterninis, siue pluuiialibus, etiâ si ex the
re excreta esset, nimine comparanda. Sed quia Farnesiorum domui hoc notissimum est, alia apud te pro
batione non indiget.

Cæterum, ut illiteratorum, & maledicentium latratus
effugiam, orationem de pluuiarum; & fontium cau
sis, deq; modo generationis earū scribere proposui.
Itemq; si nullam rationem afferrem, licet Hippocra
tem, & Galenum tanquàm medicinæ principes vene
remur, eis tamen ut testibus, aut tanquàm tyrānis mi
nime credendum esse dicerent, nec dictis eorum tan
quàm legibus minime subscribendum esse affirma
rem. Idcirco digredientes ad libros meteorologi
corum ascendentes naturalem rationem, qua facile
probetur aquam fontanam omnes alias excellere, co
nabimur clarissime in medium adducere.

Aristoteles in primo Methereon de causis pluuiæ
verba factururus nobis hanc scriptis dereliquit senten
tiam. Cum enim telus radiis Solis percussa caluerit
aspiratio agatur, necesse est, non illa quidem simplex
id est, vna, ut nonnulli arbitrantur, sed duplex altera
euaporatio, altera flatuosior. Ita, ut euaporatio par
tim ad humorem in terra, & supra terram referatur

partim fumida sit, propterea quod terra siccitate cō-
stat, atq; de his flatusior exilit ob calorem, humi-
dior subsidet propter grauitatem. Præcipuū igitur,
summumq; initium, ut mouens orbis signifer est, in
quo quidem cum ipsius Solis cursus aperte secer-
nat, & cogat pro ratione maioris, uel propinquitatis
uel longinquitatis, causa est, partim ortus, partim
interitus. Cum autem terra quiescat, & consistat, hu-
mor certe ei circumfusus à Solis irradiationibus, & su-
periori alio calore, uidelicet, Stellarum per uapores
expressus sursum effertur. Cumq; calor humorem,
quem euehebat, reliquerit, & partim superiore loco
sparsus, partim extinctus sit, quod remotus in super-
riorem terræ aerem sublimis feratur, uapor refrigera-
tione affectus, tum propter caloris defectum, tum
etiam propter locum, iterum cogitur, atque ex ac. e
aqua dicitur, quæ sana ita orta rursus in terram de-
fluit, Hæc Aristotiles.

Ex hac Aristotelis serie patet manifeste duas esse as-
pirationes, quæ à toto hoc, quod terram, aquasq;
continet, eleuantur, una quidem uaporosa, quæ ab
humorosa parte, altera fumosa, flatusosa, spirituosaq;
quæ à sicciori subtrahitur. Sole autem calefaciente, ra-
refaciente, leuiganteq; ambæ sursum feruntur, uapo-

DE BONITATE AQVARVM XII

rosa quidem ad mediā usq; aeris regionem, fumo-
sa uero ad tertiam, Cumq; uapor ab ea caliditate, quę
à terra sursum reflectitur, reliquitur, quia hæc ad me-
diam non pertingit. Similiter & fumosa, quia ad ter-
tiam aeris regionem transuolauit, iis inquam uapor
priuatus, & loci frigiditate affectus cogitur, atque ex
eo aqua oritur, quę sanè ita orta rursus in terram de-
fluit. talis est pluuię secundum Aristotelem causa, &
generationis modus.

Sed posset quis ambigere quomodo Sol. terram ca-
lesfaciat, ipsam non contingens, eoq; maxime cum
Lunę Sphera inalterabilis, & impassibilis media sit
inter solarem Spheram, & terram, quę pati habet.
Nisi esset, q; sæpe plurima ex corporibus, quę impa-
tibilis sunt, cum nihil patiantur, nihil tamen prohibe-
ret quin per ipsa aliquid aliud pati possit. Nam Pis-
catores (ut asserunt) habentes in Retibus Piscem,
qui Torpedo uocatur, manus ipsorum, quę per fun-
iculos trahunt, obstupescunt, nil patientibus reti-
bus, aut funiculis. Itaq; si huiusmodi corpora passio-
nes illas aliis corporibus, quę sunt post ipsa quasi
ministrāt, absque hoc, quod aliqd tale patiantur. Quid
mirum si, & Sphera ipsius Lunę, nil patiens ex mo-
tu Solis, distribuit tamē corpori, quod sub ipsa sitū

est passionem illam, quam illud natum est, suscipere. Impassibile tamen, & inalterabile dicimus diuinum illud corpus non simpliciter, & absolute, sed secundum passiones illas, quæ fiunt per transmutationem secundum formam, ab hac enim transmutatione longe absunt diuina corpora, sed non propter hoc ab omni passione immunia sunt. Motus enim aliqua quidem passio est, ab ipso autem non liberantur, quin etiam si recipere alienum lumen pati aliquid est patietur & aliquo modo ipsa Luna, cum a Sole recipiat lumen. Nullum itaque absurdum est, si propter motum Solis aliqua passio imprimatur, ut in partem ipsam diuini corporis, quæ sub Sole sit, quamuis pars illa non calefiat, sed potius caliditatem illam ministrans propinquius sibi corpus calefaciat, hæc tamen caliditas à Sole in ymbrosis, & opacis locis non fit, cum aer unus ab alio calefiat per continuitatem, & contactum. Corpora autem quæ obumbrant, impedimento sunt ne liber fiat iste contactus, atque continuitas, idcirco id, quod ymbratur, non similiter, neque æqualiter tangitur, nec similiter fit calidus. *Dei* Disceptant, & altercantur etiam inter se sapientes, an va por à re aquea eleuatus sit aqua, vel ex corruptione aquæ vapor specie diuersus sit, & qui partem affir
matiuam

mariuam tuentur, seriē peripateticā adducūt. Quod
 cum vapor humidus ad mediam aeris regionem
 peruenerit, derelictus tum à caliditate, quæ ob Solis
 lumen reflectitur (ad mediam enim regionem non
 pertingit) tum ab exhalatione calida, & sicca, quæ ad
 tertiam vsq; regionem transuoluat, vapor inquam
 hic refrigeratione afficitur, tum propter caloris de-
 fectum, qui eam uehebat, tum propter locum, iterū
 cogitur, atque ex eo fit aqua, quæ rursus in terram
 defluit. Sicq; vult opinio hæc, quod remotis his, quæ
 impediabant, vapor ille aqua remanet, & qui hanc
 opinionem asserunt, multis obseruationibus cōpro-
 bant. Cum enim aqua seruet, operculum rore affici-
 tur, qui est aqua euaporata. Similiter in argento vi-
 uo, quod cum in olla efferuet, cooperculum afficit,
 remotoq; calefaciente remanet argentum viuum.
 Sic & vapor aqueus cum in media aeris regione fue-
 rit derelictus ab vtraque caliditate ex se ad sui natu-
 ram à frigiditate loci reducitur coactus. Hæc tamen
 opinio multa patitur vulnera, nam vapor hic cali-
 dus est, aqua autem frigida, sursum etiam mouetur,
 aqua vero deorsum, fumus etiam non est lignum à
 quo subtrahitur, sicut nec aqua rosata est rosa à qua
 per sublimationem emanat. Nec vapor roscidus est

caro, licet à carne euaporet, nisi esset, quod vapor a Sole sublatuſ factuſ eſt accidentaliter caliduſ, ſui tamen natura frigiduſ eſt, cuiuſ accidentalis caliditatis ratione, & earum, quæ ipſum euehunt, ſuſum fertur. Et ſi fumuſ nō eſt lignum, neq; aqua roſata eſt roſa, neq; carniſ vapor eſt caro. Hæc tamen omnia referendo ſingula ſinguliſ ſunt aliquid, quod uduſ eſt in poroſitatibuſ ligni, roſæ, aut carniſ, quod per rarefactionem in aliam Accidentalem diſpoſitionem trãſit. Non deſunt tamen ex ſapientibuſ, qui huic oppoſitam conueniunt opinionem, noſtra tamen non intereſt hærum alicui reſiſtari, aut tantam litem componere, cum nobiſ ſat fuerit ſi dent uaporem illum, ſiue aqua ſit, ſiue quid ſpecie ab aqua diuerſum ab omnibuſ corporibuſ in quibuſ aliquid uduſ eſt, ut fluuiniſ, Stagniſ, Paludibuſ, Mari, & corporibuſ omnibuſ fuiſſe euaporatuſ, & ex diuerſiſ qualitatibuſ conflatuſ inter eos certamen, & aliſ ueritatib; examiniſ relinquentib;, nec quiſ mireretur, q̃ in media aeris regione non ſupreme frigida, frigiduſ in ſimmo exoriatuſ, Cum remotiſ impedimentib; (ut ſupra dictuſ eſt) vapor ſiſle ex ſe ad naturale deducitur. Quod etiam per antipariſtaſim in æſtate à circundante maxima caliditate aer cogitur, & ex eo plu

DE BONITATE AQVARVM. XIII

uia generatur, quæ inde in terram defluit. Et licet supra sit dictum exhalationem calidam, & siccam ad tertiam vsq; aeris regionem transuolare, non tamen absurdum est talem exhalationē, cum in media fuerit aeris regione propter frigus eius regionis ipsam circundans in ignem naturam conuertatur, & fiant sydera cadentia, & huius generis talia, sicut quando in eadem media stat, nusquam fertur, & cum aliquando à lumine stellarum coloretur, fiat vorago, & hiatus, & id genus talia, uel etiā quādo in media regione intra nubes stās fiunt tonitrua, coruscationes, & fulmina. Aliquando uero sua crassitudine clauditur intra uiscera terræ, & fiunt terræmotus, sed ex sui natura ad tertiam ascendit regionem, & fiunt cometae, aut caprae in eius parte infima, sed hæc omnia præter intentionem sunt, cū Phycam non doceamus. Verum hæc nobis satis sint de pluuiarū causis, & modo generationis earum attigisse. Nunc uero de causis, & modo generationis Fontium, & Fluminum sermonem faciemus, breui omnia explicantes, quæ nostro deseruiunt proposito, ab Aristorele initium sumentes, cū dixit eodē primo Meteoron hanc sententiā. Perspicuum est complura eiusmodi receptacula in multis terræ locis haberi. Enimuero absurdū nimis

DE BONITATE AQVARVM. XVI

tionemq; tum per stagnum sub Caucaſo monte, tum ex Flauio L. gulſticæ, qui partim abſortus alibi egreditur. poteſt & id probari per terræmotus, & ſic non ſolum eſſe huiusmodi receptacula antiqua, ſed de nouo poſſe per terræmotus magna, & parua fieri, ſed porius horum cauſas inueſtigemus.

Receptaculorum, meatuum, & voraginum, duæ aſſignantur cauſæ, exteriorem, videlicet, Solis, & Stellarum caliditatem continue porificantem ſuperficiem terrę uerſus centrum eius, trahentemq; de profundo terræ vapores, & exhalationes. Altera uero cauſa interior eſt, videlicet, vaporum motus ab actione Solis, qui cum trahitur, partes terræ diſcontinuat, & alias ſubleuiat, & in ſui ſubſtantiam conuertit, & ſic continuo fiunt in terra noui meatus, & ventres, ſicq; montes editi, & excelsi poros habent, & minutula foramina, ſub quorum montium partibus, & ad radices eorum fontes maxime apparent, & ſcaturiunt. Quod ſi cauſas tantum intrinſecas inſpicias, generationis fontium, extrinſecis excluſis, maiores fontes æſtate, quàm hyeme exuberabunt, cum tunc maior ſit terrę frigiditas per antiſpariſtaſim, & maior aquearum partium in vapores reſolutio, quare maior gignendæ aquæ commoditas. Cæterum in hyeme maiores

sunt fontes ob causas extrinsecas, & aduentitias, vt pote incrementum ex aquis pluuiialibus, & nivalibus non tamen putandum est fontes ex aqua pluuiali generari, siquidem non oportet aliquid ex omni eo generari, quod ipsum reddit maius. Duorum enim pedalium ignis vnum alteri adueniens reddit ipsum maius, tamen vnum non est ex altero genitū, cū sint ambo eiusdem rationis, & naturæ. Et cū sint æedem causæ, etiā idem est generationis modus. Nā (vt supra dictū est) perspicuum est cōplura huiusmodi receptacūla in multis terræ locis haberi, sic & montes editi, & excelsi poros habent & minutula foramina, quæ subit aer ad implendū uacuum. Cum. n. aer prius in montibus contentus in aquā minus loci occupantē, conuersus fuerit, nisi continue nouus aduentare, aer fieret inter montiū latera uacūū. Quare, nō credendū est aerem subeuntem penetrare montiū dimensionem. At quemadmodū media regio aeris frigiditate sua uapores in nubem densat, soluitq; in pluuiā. Ita terra quatenus frigida (eius. n. siccitas ad fontium generationem non conducit) (condensat aerem montium lateribus interceptum materiæ q̃ eius eam inducit densitatem, sub qua, forma aeris non est nata consistere. Proinde illa deperditur, acquiriturq;

DE BONITATE AQVARVM.XVI

forma aquæ, quæ guttatiim deorsum stillat. Congreganturq; simul quod ad ranta sit ex stillis collecta aquarum multitudo, vt sufficiat erumpere, & Scaturire. Demû aqua suapte natura sursum erumpit, quia supra terram esse nata est, non secus ac pluuia vbi primum genita est, delabitur. & quemadmodum pluuia generatur sursum, vt loco violento in quo neque manere, neq; conseruari nata est. Ita & fontes, atq; fluuii intra terram violenter generantur, factiq; erumpunt. Neq; natura abhorret uiolentam rerum generationem ubi ea conducit conseruationi corporum naturalium quemadmodum flumina, & fontes conducunt animalium saluti, quibus potum ministrant. (ad id enim aqua pluuialis non sufficit (præterea mercium aduectioni, & hominum negotiationibus, eademq; ratione nemo miretur si aqua pluuia, siue aer ad ima terræ descendunt, natura uniuersali (cui omnia pareat) intendente, elementorum generationem in imis terræ ad quæ omnia elementa non ex se, & sui natura particulari, sed ut sunt instrumenta naturæ uniuersalis, & ne detur uacuum citissime transuolant.

His autem ita constitutis cuiuslibet sanæ mentis homini manifestum esse potest proximam materiam, & humorem ex quo immediate oritur aqua fontium esse

aerem, qui per minutissima foramina terræ descendit, uel uaporem sub terra à Sole calefaciente, rarefaciente, leuiganteq; eleuatum, quæ duo antequàm ex eis oriatur aqua, sunt, per generationem, & transcolationem, pura, imixta, & omnis malæ qualitaris experientia, quod si contingat aquam pluuię huiusmodi fontium aquis premisceri non nisi transcolata, p̄ minutula illa foramina purificata, & immixta hoc contingit, ut perpetuo dici possit aquam fontium ex materia purissima generari: Sed aquam pluuiæ, ut inquit Paulus, ex diuersis qualitatibus conflaram esse, nemo est qui ambigat, Hippocrate etiam hoc testante, quod Sol in generando eam non solum ex maritimis aquis, palustribus, lacustribus, ceterisq; sed de rebus omnibus, in quibus uelum quid inest, subtilissimum, leuissimumque ad superiora deducit. Idcirco fontana aqua habens materiam proximam suę generationis puriorem, pluuialem antecellit: Et non solum hoc, sed omnium consensu, currentes aquæ non currentibus sunt prestantiores, motu purificante, & ipsam aquam leuiorem facientes. Stantes autem quotidie a terræ uaporibus, & fumolitaribus inficiuntur, ut animalia generent homini tedium inferentia. Omnium etiam hominum assensu, quæ
Soli

Soli exposita est, laudabilior habetur, quàm quæ Solem auersum habet, asserente Galeno, q̃ quæ Solem auersum habent, ægre concoquuntur, & tardi sunt transitus. Sol enim frigiditatem aquæ temperat, vt vitiosa non sit, sed in medio frigoris, quod ferit, & teporis qui resoluit. Fontana etiam aqua semper est recens, & noua, vt non liceat bis in eandem aquam digitum imponere, semper pura. Pluuiatilis autem in Cisterna semper senior, semper impurior, terra cōtinue effumante in eam vapores, & exhalationes. Sed, ut hoc manifestius appareat, dicamus, q̃ aqua Fontis sanis conueniat, authores habet Hippo. & Galenum. Similiter in ægris, vt Galenus refert sexto Epidimiorum quando aquam ægris bibendam dabat, preter fontanam, omnes alias elixabat, fontanam autem nō. Innuens præstantiã huius ad alias aquas. Quod autem pluuiialis sanis conueniat, nec Hippocratem, nec Galenum habuit authores hoc asserentes vt infra demonstrabimus. Et cum hoc medicinæ parentes nō habuit authores, quàm plurimos generosos Medicos habet contradicentes, & vituperantes. Cum igit̃ fontana ex omnium consensu dari sanis & ægris possit, ea tutissime quisque vti potest, non itidem de pluuiali aqua, quæ & fautores non habet, &

viruperantibus eam ad potum humanum nō careat. Princeps Abolai doctissimus Philosophus, & Medicus huic opinioni subscripsit, quando primo Canone dixit. Aquæ vero, quæ sunt aliis meliores, sunt aquæ fontium, nō excepta pluuiali, vt quidā asserūt, vt infra de aqua pluuiali secundū ipsum dicetur.

Huic etiam opinioni videtur suffragari Parisiensium schola, quando Ioannes Guinterius Antoniacenus in Galenica doctrina benemeritus libellum scribens de victus ratione, Aquam fontanam ad Orientem versus &c. posuit præstantiorem.

Potest autem à me quis iuste petere, cum Fons ad Orientem prorumpens non omnibus præsto sit, & aquæ portio omnibus sit tam necessaria, qua nobis (si Fons non adest) vti erit vtile. Huic petitioni facile Hippocrates, & Galenus satisfaciunt.

Hippocrates loco supra citato, cū de fontanis a quis sermonem fecisset, subintulit. Quibus sic utitor,, Quisquis autē sanus est, & validus nihil discernitor, sed semper quæ adest potator.

Galenus uero fusius scribens in primo de tuenda valetudine dixit. At frigida portione omnino prohibendos esse non censeo, quod tamen aliqui faciunt. Verum à cibo, ac plerumq; & per calores, cum ipsis cor

di erit, uti non displicet. Potissimum uero (si copia eius est) Fontana recenti, ea si non est reliquis, non tamen omnibus . Sed cauendæ sunt, quæ ex stagnis hauriuntur, & quæ turbidæ, & quæ malæ olentes, & quæ falsæ, deniq; in quibus qualitas aliqua gustu deprehenditur, & olfactui omnis qualitatæ expers videbitur. Eadem quoq; tum potui iucunda erit, tum plane pura, quæ etiam præcordia celeriter transeat. Ita, ut fluctuationes non excitet, nec mutetur in flatu, & corrumpatur, & uentriculi resoluat robur, sic, ut deterius inde concoquat, nec degerendo per corpus alimento magnopere conducatur . Quod si quæra pura sit, limpida, nec potui insuavis, nihilo secius circa præcordia hæret, cum hæc semiuitiosa sit bibenda non est frigida . Verum calefactam non renuit Galenus, id est, (ut puto) decoctam, & elixatam, licet inde infrigidatam . Et alibi docet elixationem aquæ pluribus de causis fieri, aquam enim elixamus quandoq; cum alicui aquam actu multum frigidam dare volumus, ut quandoq; infirmis contingit, & ne nimis noceat eis, aquam decoquimus, quam impense frigidam efficere conamur, ac postquam decocta est, aeri frigido exponimus . Sic tamen, ut uas in quo aqua continetur, ut dixit Hippo . apertum maneat,

& minime plenum sit, ut aerem suscipere valeat. De coctam autem oportet esse aquam, quia omnia, quæ per ignem decocta sunt, cruas minus nocere possunt. In Alexandria, & Aegypto, ut refert Galenus, aquam in testaceis quibusdam vasis reponebant, calefactam prius, deinde sublime totum hoc vas in fenestris vento aduersis, ut ibi per totam noctem refrigereretur, suspendebant, postea ante Solis ortum vas humi depositum, frigida aqua circumfundentes, frigida etiam folia toti circundabant, ut eam quam sub nocturno aere acquisiuerat, diutius permaneret frigiditas. Aliquando vero impositis in aqua carnibus & oleribus elixamus, ut si hæc cito coquantur, eam optimam iudicemus. Elixatur etiam aqua, nam præ calefacta cum refrixit, euidenter putorem, quem ex putredine plerumque contraxerit, habiicit. Omnisque pars terrea facile subsidet, quæ cum tota aqua prius quam incaluisse, minutatim permixta, unaque cum ipsa epora non contemnendam eadem infert, & maxime, quibus renes, aut vesica pro gignendis calculis obnoxii sunt. Nam quæcunque ex diuersæ naturæ materiis constant per minutas particulas mixtione constata, hæc post calefactionem refrigerentia facile dissoluuntur, sed statim ab elixatione antequam

refrigerentur adhuc motione agitur, atq; adeo omnes eius particulæ permixtæ sunt, sed ea refrigerata, graues, & terreae fundum petunt, leues superfluitant. Si cui igitur fons præ manibus non est eius naturæ, quam descripsit Galenus. Reliquis aquis vtatur, quod si eius putredo, aut cruditas timentur, elixatione in meliorem naturam reducetur, & sic hominis necessitati, & salubritati optime consultū erit. Verum ad præstantissimos Medicos, qui post Hippocratem, & Galenum fuere, sermonem meum cōuerto, cum eorum dicta mihi difficultatem ingerunt. Paulus Aegineta, & author libelli de bonitate aquæ contra nos publice adductus, asserunt, q̃ ex eo, quod Sol ex omnibus aquis marinis, palustribus, lacustribus, stagnis, & omnibus corporibus in quibus vdu quid inest attrahit, quod subtilissimum est, &c. aqua pluuialis sit omnium facile putrescibilis, ceu ex diuersis qualitatib. constata, quod tñ Hipp. subtrahit. His duobus, & huic sententiæ videtur Princeps sapientissime reluctari, & vt clarissime pateat de aqua pluuiali Principis sententia, volui, ut Iacobus Manrinus uir apprime doctus, & in interpreterando Principem fidelis, quæ de aqua pluuiali à Principe sunt dicta nouissime latinitati donaret, quæ talia sunt.

Inter aquas laudabiles, pluuiiales quidem connume-
 rantur, & presertim, quæ æstate eueniunt, & ex nubi-
 bus tonitruosis ortum habent. at quæ ex nubibus
 procelosis ueniunt, quæ ex turbido vapore oriun-
 tur, ob turbulentiam quidem ipsarum nubium ex
 quibus destillantur, habent omnino substantiam mi-
 xtam, non exquisitam. Verum putredo facile adue-
 nit ipsis aquis pluuiialibus, etiam si essent ceteris aliis
 laudabiliores, propterea quod maximam obtinent
 tenuitatem, & efficit in eis cito impressionem ipsa cor-
 ruptiua portio terrea, & aera, & ipsarum corruptio
 erit causa corruptionis humorum, officiuntque pe-
 ctori, & uoci. Quidam autem (ut scilicet Paulus, &
 author de bonitate aquæ, non Hippocrates) dicunt,
 quod huius rei causa est, quoniam à uapore ascendente
 ex humiditatibus diuersis ortum habent, quod si
 hæc esset causa, tunc aquæ pluuiiales illaudabiles,
 non laudabiles essent, cum tamen res non ita se ha-
 beat, sed huius rei causa est, maxima tenuitas substā-
 tiæ earum. Nam substantia cuiuslibet rei tenuis re-
 cipit impressionem, quod si quis statim ebullierit
 aquas pluuiiales, minus recipiunt putrefactionem.
 Hæc Princeps. In quo loco manifeste Princeps dam-
 nat opinionem Pauli, & authoris libri de bonitate

aquæ, uidelicet, quod ex quo est ex diuersis qualitatibus constata sit omnium facile putrescibilis, sed causa est, quia tenuissima, elaborata ab igne in nubibus incluso, à tonitruo, & Solis caliditate.

Ad secundam hanc contradictionem Iacobus de Spars dixit, q̃ aqua pluuialis, vt in pluribus est apta putrefactioni propter subtilitatem eius, quod secundum Principem perpetuum est. Nihil tamen, inquit Iacobus, prohibet, vt quandoq̃ fiat apta putredini, ex eo, quod materia eius in parte separabatur à rebus corruptis, ut in magnis pestilentis, in quo tempore non est tutum bibere aquas pluuias, sed communibus temporibus, & annis non pestiferis parū est quod eleuatur à cadaueribus, & rebus corruptis, comparatione eius quod eleuatur à mari, fluminibus, & terris.

Et hanc sententiam sequutus est Cœlius Rhodiginus in vigesimo septimo lectionum antiquarum cum dixit, Statuendum tamen sic opinantur, qui cupiunt disceprantes sententias conciliare. Nihil prohibere quin quandoque computrescat aqua pluuias, quia à tabidis corporibus aquarum secernatur materia, quod euenit fere crassante pestilente vi.

Sed siue hæc putrefactio, ut i plurib. sit, ex subtilitate

substantiæ aquæ, siue sit, ut in paucioribus, quia ex diuersis qualitatibus constata. Dubitant super dicto Principis quomodo sit melior aliis.

Nisi esset, quod Principis sermo non est, quod aqua pluuialis sit melior aliis aquis. Sed cum dixisset, Ex aquis quoque laudabilibus sunt aquæ pluuiæ, & præcipue illæ, quæ in æstate eueniunt, & ex nubibus cum quibus accidunt tonitrua. &c. Cum vero infra dixit. Sed tamen aquæ pluuiali cito aduenit putredo, licet sit aqua melior, sensus est, quod licet summatur melior aqua inter pluuias, ut uerbi gratia illa, quæ æstate venit, & cum tonitru, tamen illi etiam cito aduenit putredo propter subtilitatem. Et ideo Mantinus nostrer accuratius transtulit, dicens. Verum putredo facile aduenit ipsis aquis pluuiialibus, etiam si essent cæteris aliis laudabiliore, & reddit causam quare aquæ pluuias, etiam laudabiliores, cito recipiunt putrefactionem, dicens, propterea quod maximam habent subtilitatem.

Sed si quis uoluerit Principem uelle aquas pluuias quascunque omnes alias aquas excellere, licet eis cito adueniat putredo, adhuc dubitant sapientes quomodo melior est aliis aquis si cito putrefit.

Responder huic Thadeus Florentinus in Quinta particula

particula aphorismorum in Cōm. Aphorismi vigesi-
 misepthimi, q̃ a aqua subtilior est, citior ad putredinē ap-
 ta, quā crassa, maxime si sit cōposita ex diuersis su-
 bstantiis, sicut est aqua pluuialis, secundū Hippo. tñ in
 corpore humano nō habet tantū spatiū sub forma a-
 quę, q̃ putrescat, vnde remanet beneficiū subtilitatis.
 Hanc responsionem impugnāt vir clarissimus Vgo
 Senensis, ex eo, quod Princeps dixit supra a quę plu-
 uiali cito aduenit putredo, licet sit aqua melior, pro-
 pterea quod est valde subtilis, & quia in ipsa corrū-
 pens terreus, & aereus cito operatur, & fit eius putre-
 do causa computrescendi humores, & impedit per-
 ctus, & vocem. Et idcirco dicit Vgo Princeps loqui-
 tur de putredine accidentē in ea aqua pluuiali quan-
 do est intra corpus. Hallucinantur ergo hi, qui di-
 cunt, q̃ a aqua pluuialis cum fuerit aeri exposita putre-
 fit, non autem in corpore humano existens.

Thadeus in eodem loco, hanc forte Principis senten-
 tiam internoscens, aliam, & veriorem responsionem
 dat, videlicet, q̃ licet aqua pluuię sit bona in esse
 aquę secundum se, non tamen sequitur, q̃ sit bona
 in corpore humano, nam in humano corpore dici-
 tur bona aqua bonitate conuersionis, id est, quę ad
 bonum, non ad malum conuertitur.

Hanc solutionem Gentilis Fulginas optimus Philo-
sophus, & Medicus videtur laudare. Dixit enim, q̃
aqua pluuialis, licet ratione subtilitatis sit laudabilis,
est tamen illaudabilis ratione multorum, vnde dixit
Gentilis in regimine sanitatis hominis puto aliam
esse meliorem, videlicet, fontanam, & ideo ipsam ele-
git Gal. in primo de regimine sanitatis propter tria
nocumenta, quæ habet in se aqua pluuialis, magis
quàm alia. Primum est, quia ob eius multam subtrili-
tatem est nata putrescere, ad cuius putrefactionem se-
quitur humorum computrefactio. Item ob eandem
subtrilitatem nata est spiritualia cito attingere, & eius
frigiditate inde nocere. Tertio quia sua eadem subtrili-
tate concoctionem in stomacho impedit, & cibum
incoctum ad vrinæ meatus penetrare facit, & idcirco
alui duritiem facit, & excretionem retinet, vt dixit
Aetius, quibus bis, aut semel, saltē in die indigemus.
Vgo Senensis vir apprimè doctus expositione apho-
rismi. xxvii. quintæ particulæ, multis enucleatis, di-
xit. Ideo dico, q̃ aquæ fontium cum aliis suis laudi-
bus sunt meliores aquis pluuialibus.

Antonius Musa Ferrariensis homo multæ vigilæ
in amplissima sua expositione in aphorismos, in cō-
mento aphorismo. xxvii. hanc difficultatem sub hac

verborum serie enodauit, & explicuit, Sed an aqua pluuialis omnium optima sit, ut Hippocrates sentire videtur, & post ipsum Paulus, Vitruuius, Acrius, & alii multi, ea lege, quæ in nostro syruporum examine de aqua scripta relinquimus. Nec Plinium omittes libro. xxxi. capite Tertio, ubi contra illos inuehitur, qui hoc dicunt. Immo adeo odio illi est hæc opinio, ut in hæc uerba proruperit, horum sententiam refellere, interest uitæ, propterea totis uiribus probare conatur aquam pluuiæ uitæ potius obesse, quàm prodesse. Nos uero in syruporum examine hæc statui-
mus. In ordine elementi pluuialem aquam cæteris præstare, sed respectu humanæ uitæ non est perfectior. Nam ad uitæ nostræ perfectionem elementorum puritas non exigitur, sed re mixta indigemus, unde Paulus in ordine elementari pluuialem aquam omnium perfectissimam facit.

Novissime etiam Leonardus Fuchsius de literis emeritus dixit in annotationibus, in quarto de Tuenda ualitudine. Præterea habet etiam alia incommoda aqua pluuialis, ut pote cum sit tenuissima, & facillime transmutetur, omnibus biliosis affectibus inutilis est, eo quod facile in bilem transit. Sunt & alia eius uitia, quæ commemorat Acrius. Quare nonnulli, ut

Plinius, eius aquæ vsum in totum damnarunt, & omnino illi fontanam prætulerunt. Sed habet aqua pluuialis, quæ Hippocrate in fine libri de capitis vulneribus authore, leuissima, tenuissima, limpidissima, dulcissimaque est, suas etiam utilitates in his affectibus, quæ adstrictione indigent, hæc enim excretiones, Aetio teste, detinet. Proinde utraq; aqua, tum fontana, tum pluuiæ in suo genere utilis, & inutilis est. In vſu tamen eligenda semper, quæ inter has optima est, est Hæc Fuchsius.

Petrus Hispanus, quondam Papa Ioannes. xxii. qui multa in medicina doctissime, tum problemata, tum librum, quem Thesaurum pauperum nuncupant, & & commentaria in dietas, tum vniuersales, tum particulares, Isaach scripsit, in suo commetario de aqua dixit. Dicendum quod de Vere loquendum est dupliciter, aut respectu sui, & hoc modo sanius est, quàm aliquod tempus, aut per comparisonem ad corpora, & hoc dupliciter, aut illud corpus est mundum omni carens occasione morbi, & sic est sanissimum, aut comparatur ad corpus habens in se causam ægritudinis, & sic non est sanissimum, quoniam Ver habet ægritudinem de potentia ad actum ducere, mouet enim humores ab interioribus ad exteriora, vñ

DE BONITATE AQVAR. XXIII

de morborum est generatiuum per accidens. Sic de aqua pluuiali est loquendum secundum se, & hoc modo est melior cæteris, quoniam est calida, & humida, subtilis, clara, dulcis, & rara, & sic laudabilis a parte complexionis, & compositionis. Si autem de ea loquamur in comparatione ad corpus, hoc est dupliciter, aut ad corpus mundum carens omni occasione morbi, & sic est sanissima, aut ad corpus immundum habens humores paratos putredini, & sic est illaudabilis, quoniam cito putrescit, & in humorum putridorum naturam, vel putrescere paratorum cito conuertitur, & nullum tale competit, ubi timetur putrefactio. Sed an pluuialis sit tanæ sit præponenda non syllogizauit Ioannes.

Aliam similitudinem adduco. Dicitur enim a sapiētibus aerem Autumni purissimum, & subtilissimum esse, a Sole Aestatis vaporibus exsiccatis, tamen, quia ob sui subtilitatem, & puritatem facile patitur, quod virtuti, & puritati suæ, & nō vitio, & impuritati tribuendum est, morbosum facit Hippo. Idē idem de aqua pluuiali, licet sit tenuissima, non tamen in corpore humano optima, quia facile alterabilis in eo, ut plurimum impuris existentibus corporibus, in quibus sicut lac, & vitella ouorum, in se sanissima, in co

ANDREAS T HVRINVS

pore tamen hominum facile putrescibilia, sic & de
 pluuiatili aqua, quæ continue agimus, dicendum
 est, & ab ea magis abstinendū, & cū cautela bibenda.
 Sed quod difficultatem ingerit, est, q̃ Paulus Aegi-
 nera in præfatione operis dixit. Nam cum plures
 egregios authores, magisq; Oribasium ipsum, unde
 primum librum, quo totam de tuenda valitudine ra-
 tionem comprehendī, sum mutuatus. &c. tamen
 uidetur ipse Paulus Oribasio contradicere, cum di-
 xit, Aquam pluuiæ facile omnium esse putrescibi-
 lem: Item & cum dixit. Quæ igitur aqua optime
 notas habet, si prompte etiam putrescat ea censebitur
 saluberrima, aliter autem Oribasius, cuius series (ne
 uidear falsum impingere) hæc est in libro primo ad
 Eunapium dixit. Leuiorem igitur Hippocrates plu-
 uialem dixit esse aquam, & dulciorem, & lucidiorem
 & propter quod Soli uicinior fuit, leuior, & tenuior
 effecta est propter quod & imputribilis est. Pro qua
 re ab eo leuior est iudicata, unde ab aliquibus re-
 prehenditur, quare irritent tusses, graues faciant
 uoces. Pro hoc autem pluuialis aqua æstiuā leuior
 est iudicata, quia æstium non facit. Nam in hyeme
 ubi cristallus, & niues abundant, grauantes sunt. Ex
 congelatione enim aquarum illud in his, quod subri

le est, conspissatur, bene utique est. Et in Tertio libro, & capite de Aquis, ex Herodoto dixit. Leuē quippe Hippocrates dixit aquam pluuiālem, quæ est dulcis, lucida, & subrilis, quia adducitur aqua in aere, non ex dulcibus solis aquis, sed ex mari, adducitur in aerē, propter quod aliæ cito putrescunt, aliæ non facile putrescunt. Non ergo existimet aliquis malam aquam esse, quæ cito putrescit, quod enim cito mutatur, magis uirritus est, quā malitiæ. At quæ cum habeat conditiones bonarum aquarum utique imputribilis sit, optima existimanda est. Si qua ergo cito putrescit aqua, bona existimanda est ipsa mutatione. Nam quedā aquæ faciunt uiria in gutture, & tusses mouent, & raucitatem, & grauedinem, & gutturosos faciunt. Pluuiāles igitur aquæ in æstate ex tonitruis, & tempestatibus utiles sunt. Hæc Oribasius. Nos uero, quæ ab Hippocrate & Galeno Epidimiorum sexto dicta sunt, summentes dicemus. Aquæ pluuiæ duplicem esse differentiam, uidelicet, alia temporaria est, ex æthere excreta, & tonitrualis, Alia uero procellosa, quam Hippocrates malam dixit esse. Temporaria uero, quæ æstate fit, duplex esse potest, una, quæ fit ex uaporibus eleuatis, alia, quæ ex aere, ut quādo per antisparistalium in æstate aere existente

exquirit puro caliditate, intentissimam aerem medic-
regionis circumdante, statim aer cogitur, & allisis in-
ter sese nubibus, vel ignea exhalatione nubes excin-
dente aqua deorsum fluit. An vero huiusmodi
aqua ab Hippocrate laudetur, incertum est, ut respon-
sionibus magis patebit. Et si bonam esse dixisset Hip-
pocrates, ambigit Galenus an ad usum humanum,
an ad medicamenta dixerit esse bonam. Et his ego
addo, quod licet bonam ad usum humanum dixisset.
Hippocrates, non tamen eam precedere Fontanam
aquam dixit. Eodem pariter modo dico, quod licet Ori-
basius pluuiiales aquas, quae aestate ex tonitruis, &
tempestatibus fiunt esse utiles dixerit, non tamen di-
xit ad potum, vel ad medicamenta. Et si ad potum
dixisset, non tamen eas praecedere aquas fontium di-
xisset. De fontanis tamen tam Galenus, quam Oriba-
sius ad potum utiles esse dixerunt.

Verum dum haec nostra disputatio iam imprimere
tur, occurrit mihi forte Augustinus Riccus Luce-
nsis, vir (ut uno uerbo dicam) natus ad publicam uti-
litatem, cui in hac re praesertim, sicut in pluribus aliis
Medicorum schola plurimum debet. Atque cum ex
eo sciscitarer quid in causa esse censeret, quod Paulus
Aegineta, qui omnia se esse mutuatum ab Oribasio
faretur,

fateretur, asserat, aquam pluuialem maxime putrescibilem esse, in libro autem primo Eupostrion Oribasii ad Eunapium, legatur. Propter quod, & imputribilis est. Qui respondit, nihil mirum esse particulam eam non consentire Pauli sententiæ, cum etiam Oribasii ipsius græcis verbis ex aduerso repugnet, sicuti pleraque, quæ in eo capite sunt. Nam legi eo in loco in Græcis codicibus *εὐσκητὸν τὸν*, hoc est, maxime putrescibilis. Atque eadem etiam verba ipse apud Oribasium alibi citauit in Quarto libro compendii ad Eustathium filium, ubi sic ait *διό καὶ εὐσκητὸν ἔστι* hoc est. Propterea & facillime putrescit. Ex eis autem nouem compendii libris, primi tantummodo fragmentum latinum habemus, atque id mirum immodum, ut res ipsa ostendit, deprauatum. Addidit præterea ille, hanc materiam de aquis copiosissime, & pluribus capitibus pertractatam in aliis Oribasii libris, quos ad Iulianum Imperatorem scripsit, ubi idem etiam quod aliis in locis asseruit, causam etiam adiciens, cur facile putrescat. Quæ quidem ipsa capita in tui gratiam latinitati breui donaturum pollicitus est, quod quidem summæ erit hominibus utilitati. Cum itaque res ita se habeat, satis patere exillimo, horum veterum medicorum sententias optime inter

se consentire, qua in re supra ob codices deprauatos plura ex rei coniectura disputauimus.

Quod vero ad id attinet, quod dicitur, Aquam pluuialem omnium facile putrescibilem esse, dicam quid sentiam, omissa curiositate conciliandi Paulum cum Oribasio, videlicet, Aqua pluuialis, quæ procellosa est, mala est, & facile putrescit, tanquam ex diuersis qualitatibus conflata. Similiter illa quæ æstate fit ex vaporibus diuersis generata, putrescibilis est. Et hæ duæ species aquarum pluuiarilium non sunt laudabiles, quia computrescere faciunt humores in corpore existentes. Ea vero aqua pluuialis, quæ æstate fit per antiparistasm, aere coacto, hæc non est putrescibilis, tanquam ex diuersis qualitatibus conflata. Sed cum tenuissima sit, facile à quolibet patitur, & mutatur. Et licet hæc in esse elementi sit purissima, & bona, tamen quia aer ille factus est tenuissimus ex calida exhalatione in nubibus existente, & inter se attritis, allisisque nubibus adeo elaboratus sit, ut ad tenuissimam substantiam facile à qualibet re alterabilem deueniret. Non sic vapor eleuatus ab aquea humiditate, vel aer in ipsas porositates terræ subingrediens taliter elaboratus est, nam licet purus, & non ex diuersis constitutus substantiis, tamen tenuissimus non

est, quapropter fontana aqua non facile alteratur, & Idcirco à sanis, & ab ægrotis sine periculo bibi potest. Ex his posset quis Paulum cum Oribasio cōcordare diuersimode accepto vocabulo putrefactionis, vel quia tenuitate sit facile alterabile, vel quia ex diuersis qualitatibus cōflata. Cum tamen hæc sint extra nostrā intentionē, dimitimus aliis eorū cōcilium. Nolumus tamen cum aqua pluuiali certamen perpetuum habere, sed cum Galeno dicimus. Potissimum fontana, si cōpia adest, si non, reliquarum, & sic post fontium aquam, Cisterninam admittimus in vsu hominum, sicut & Veneriis, & Ianuæ, non existente copia fontis, aut puteorū, cisterninis aquis vtuntur, nullo etiam apparente eorum nocumento, forte ob consuetudinem. Et præter hoc, quod humano vsui deseruit, & maxime ad medicamenta cōponēda, Aristoteles octauo de historia animalium, cap. xviii, vtilitatem eius manifestauit, dicens. Piscium genus maxima ex parte anni pluuiis bene uiuit. Ita. n. non modo plus cibi nanciscitur, uerū etiam omnino pluuio humore iuuatur, ut ea, quæ terra gignuntur. Olera enim quamuis rigentur, tamen non tantum proficiunt, quārum hyimbre, quod inde arundinibus etiā lacu prognatis, euenit. Nihil enim fere accrescūt, nisi

aquæ pluuiæ accedant. Causam vero huius adducunt quidam, quia plage vi terram deducat pluuiæ, meatusq; sibi ad radices subeundas pareat. Contra quos, quia stirpes in stagnis exortæ, & vluæ, & lunci augmentum non capiunt, nec fructificant, nisi pluuias aquas suo tempore admiserint. Idcirco alii id accidere dicunt, quia recens, & noua videtur aqua pluuiæ. Stagnea autē verus, & olim data, compurrefcēscit, Sed hoc probabilius est, quā verum. Nam fontani, fluuiatilesq; fluxus recentes sunt, & noui. In eundem enim fluuium non vtiq; ingredereris. Alia quippe subinde influit. Idcirco alii, quia pluuiæ leuior est, quia ex aere a qua descendit, proinde flatu remixta aerisq; leuitate referta demigrat momento, insinuatq; in stirpes. Cuius aquæ pluuiæ bonitati astipulari Ranae videntur, dum vocem præ letitia exhibent, pluuiæ suauitatem expectantes.

Cæterum cum duplex sit sapientis opus, uidelicet non mentiri, & iam nos conclusionem veram testibus, & rationibus vallatam posuerimus. Reliquum est, ut ad secundum sapientis opus accedamus, quod est mentientem posse manifestare, quod facile a nobis fiet, si obiectis authoritatibus, & rationibus respondebimus, eo tamen ordine, & serie, qua supra

nobis obiecta sunt. In primis dicentes.

Concedimus Hippocratem dicere, aquas pluuiiales esse leuissimas, dulcissimas, tenuissimas, & limpidissimas, tamen Galenus in simili responder, q̃ Hippocrates non asserit, an hæc aqua sit ad potum humanum optima, sed incertum adhuc est, an si bona sit, talis sit ad potum humanum, an ad medicamenta. Nam Scribonius, & alii quàm plurimi ad oculorū medicamenta hac vruntur, similiter in fluxu ventris quia igitur incerta est Hippocratis sententia non licet inferre, ergo optima ad potum humanum, & si ad potum, non tamen Hippocrates asserit illam esse fontana aqua meliorem. Similem enim responsionem dat Galenus in simili Hippocratis sententia, ut statim patebit.

Responder etiam Paulus huic cauillo, q̃ licet Hippocrates dicat, aquam pluuię esse leuissimam, q̃ istud signum solum non sufficit. Sed si hoc cum aliis ab eo commemoratis accedat, commendat. Eodem modo & nos dicimus, q̃ licet Hippocrates commendauerit aquam pluuię in sui substantia, q̃ sit limpidissima, subtilissima, dulcissima, tenuissima, tamen hæc sola commendatio non sufficit, nisi cum signis fontanę aquę accedat, ut scilicet, laudem, & nobilitatem

etiam habeat à loco originis, & idcirco modus argu-
mentandi ualidus sit talis, hæc aqua est fontana, &
est leuissima dulcissima, &c. ergo optima.

Responderet etiam Princeps Abolai, q̃ tanta tenui-
tas aquæ pluuiæ non conducit ad sanitatem tuen-
dam. Dixit enim Terrio canonis fen. xvi. tractatu
primo, & cap. Quarto, De cura fluxus uentris abso-
lute. Et oportet, ut sit aqua eorum, scilicet, patientiū
fluxum, aqua pluuiæ, in ipsa enim est stipticitas. Et
existimo, q̃ multitudo iuuamenti est propter ueloci-
tatem suę penetrationis ad hepar, & uelocitatē reso-
lutionis eius, quare non relinquit in chilo humida-
tem. Hæc Princeps. Et idcirco dixit Gentilis, q̃ ex
eo quod nos indigemus beneficio uentris semel, aut
bis in die, aqua pluuiæ ad sanitatem non conducit.
Et ideo Paulus Aegineta dicebat non ualere hanc
consequentiam aqua pluuiæ est leuissima, ergo opti-
ma, nisi addatur, est leuissima, & fontana.

Gentilis etiam cum aliis plerisque iunioribus negat
illam consequentiam, hæc aqua pluuiæ est optima,
ergo administrata in corpore humano est melior
aliis. Hæc autem dicta sunt prius.

Quod uero nobis obiectus est Galenus in libello de
bonitate aquæ, audacter libellum illum assero esse

spurium, & inter spurios nouissime collocatum, plane etiam patet Hippocratem, & Galenum his, quæ de aqua pluuiæ in libello dicuntur, manifeste in faciem eorum reluctari, quod facile demonstro.

Hippocrates sexto Epidimiorum, particula quarta, & aphorismo. xvii. hæc scripsit. Aquarum arte carētium, quæ ab æthere est excreta, aut cum tonitru temporaria, procellosa vero mala. Inquit Galenus in commento. Duas prodit nobis Hippocrates pluuiæ aquæ differentias. Alteram quidem, quam aperte vituperat, malam esse dicens, uidelicet, procellosam, alteram uero deinceps nō constar, an reprehensione solam carere dixerit. Incertumque est utrum ipsam ad potum, an ad medicinales usus preparari iusserit. Nam oculorum medicamentis componendis huiusmodi aquam adhibemus, & ex ipsa aquæ medicamentum conficimus. Temporariam aquam pluuiatilem uocat, quæ æstate media per hymbres effunditur, tempus enim hoc, & hanc anni partem Græci potissimum tempus appellant. Veruntamen & Autumno, & Hyemi, & Veri temporis appellationem accommodant. Sed per excellentiam interdum eam anni partem tempus nominant, in qua fructus temporarios uocatos maturefcere accidit. Veritatem

huius sententiæ confirmat verbum Hippocratis, cū dixit, Ab æthere excreta, Nam veteres Græci cœlum ambiens exquisite purum, æthera, nubilosum vero, & nubibus opacum, aerem vocare consueuerunt. Sed ambigitur, inquit Galenus, & incertum est cur procellosam aquam repudiat, ætheream vero, & cū tonitru effusam non repudiat. Dicamus itaq; quod cū æstate a qua eius temporis calore attenuata in halitus inuisibiles dissipata fuerit, clam nobis in aerem supra terram transuolauerit, & deinde propter aliquam ad frigidum mutationem, ac ventis inter se flantibus, densatoq; aere, prætenuatos halitus iterum crassescere, & in aquam sensilem euadere contigerit, tunc hymbrem illum temporarium esse dicimus extenuata aqua, ac prius ab aeris calore elaborata, atq; meliorem ipsam esse nimbosis ut pote, neq; confectis, neq; vlla mutatione elaboratis. Aquam autem tonitrualem laudat, quod tonitrua altero duorum modorum fieri, notum sit, aut ob ignem interceptum, qui erumpens circumplexam nubem veluti dilacerat, quo etiam tempore fulmina decidunt, aut inter sese allisis, attritisq; nubibus neutrum in nimbosa aqua existit. Si quidem in huiusmodi statu aer conspissatus est, vna continua atq; nube ipsum totum occupante

DE BONITATE AQVAR. XXIX

pante. Quapropter non immerito in hoc aeris terrâ
ambientis statu nunquam tonat. Temporaria igitur
aqua summe munda, ac tenuis est, quia elaborata, &
eius temporis calore in halitus inuisibiles dissipata
fuit, post hanc tonitrualis ob nubium concursum,
conflictumq; tenuis facta est, in nimbosa neutrum
est, & quantum tonitrualis à temporaria vincitur,
tantum nimbalem superat. Nimbalem igitur & pro
cellosam malam dixit Hippocrates, temporarię ver
ro, & tonitrualis laudem, siue ad humanum potum,
siue ad medicamenta, subtrahit. &c. Quo igitur fun
damento volunt hi Hippocratem laudare aquam
pluuię, cum eius taceat laudem. Nullibi enim laudat
eam, siue ad potum humanum, siue ad medicamen
ta, & quomodo ex eius verbis primatum dabunt
aquę pluuię. Et quomodo elata fronte adducunt
libellum de bonitate aquę asserentes librum illum
esse Galeni? Cum in eo libello scribantur hæc de
aquis pluuiialibus. Vernales igitur, & Hyemales
temporarię sunt, & optimę, quas ego in maxime lau
do. Hic autem Galenus per temporariam aquam
intelligit, quę æstate pluit, non hyeme, non vere, & si
qua laudanda est, non Hyemalis, non Vernalis, sed
quę æstate pluit, est laudanda, cum tonitru, & ab

æthere excreta, idest, ab aere exquisite puro. Nonne Galenus in commento illius aphorismi dixit. Porro temporariam intelligere satius fuerit, non vernam, ut nonnulli stulte accipiunt. Nullus enim per excellentiam tempus anni Ver nuncupauit. Sed quemadmodum & alias anni partes absolute tempus, neque tunc temporis effusus hyemaliqua eximia virtute præditus esse cognoscitur. Sed multo antiquius fuerit putare ipsum, temporariam aquam dicere, quam eo sanè tempore pluerit, quod anni tēpus Græci nominant. Hæc Galenus. Quas igitur libellus ille pluuiiales aquas laudat, hic Hippocrates, & Galenus viruperant.

Et Commentator Alexandrinus idem eo loco dixit, videlicet. Quidam autem dicunt, quod bonam aquam dicit, quæ in temperato tempore fit, scilicet, in Vere, non autem est hoc verum. Si enim omnino de tempore diceret, bonum diceret, quod fieret in æstate, principaliter autem æstas tempus vocatur, quoniam quæ fiunt in aliis temporibus æstas perficit verbi gratia. In Autumno semina ponuntur sub terra, In Hyeme mouentur virtutes generatiuæ. In Vere oriuntur, & in æstate perficiuntur, & propter hoc principaliter optimam aquam dicit, quæ fit quan-

do æstas est. Hæc Commentator.

Ad ea vero quæ nobis obiciuntur ex Paulo facile respondemus, cum nobis suffragetur. Nam postquã dixit de malitia, & bonitate aquæ cognoscendæ per experientiam subintulit. Qui vero notas quoque eam vult cognoscere, his, quæ dicuntur, attendat, & sic concludit, fontanę aque primatum suis conditionibus munitam, quod vero Paulus postea dicit. Nō nulli ex pondere aquam examinant, leuem præstare credentes optime dictum est, hanc tamen notam solum Paulus non admittit, & dixit. Hoc igitur signū leuitatis, si aliis à me commemoratis accedat, cōmendatur. Verum sola hæc bonę aque nota non sufficit, quāq̃ imbrium aqua, authore Hippo. leuissima sit &c. Non sequitur igitur secundum Paulum, nec tenet huiusmodi argumentandi modus, Hippocrates asserit aquam pluuię esse leuissimam, ergo optimam. Sed sic licet arguere, hæc aqua est leuissima, & ad orientem vergit in sui origine, & trāsīt per purā terram, & huiusmodi quæ posuit Paulus, & ab eo fuerunt commemorata, ergo optima, quæ signa in aqua pluuiali minime sunt, ergo nec ipsa optima. Et prosequendo Paulus ponit ex sententia Hippocratis causam talis leuitatis dicens. Quia Sol leuissimum

& tenuissimum attrahit id non ex alia aqua solum, verum ex mari quoque, & corporibus, quapropter etiam omnium promptissime computrescit, ceu ex diuersis qualitatibus constata. Et quia ex hac promptitudine ad putredinem posset quis eam maxime vituperare, & damnare, huic occurrens dixit. Nemo autem aquam putrefactioni opportunam deterrimam esse existimet, nam mutationis facilitas virtuti potius, quàm vitio tribuitur. Et concludens Paulus dixit. Quæ igitur aqua optime notas habet, si promptè etiam putrescat, ea censebitur saluberrima, & si mutari cum incipit occasionem raucedinis, tussiculæ, & grauitatis vocis præbeat. Ex his à Paulo dictis non potest quis inferre aquam pluuiæ notas habere optimæ aquæ cum illa indicia, nisi ad ea accedant, quæ erant signa fontanæ aquæ non cōmendētur à Paulo. Et ex his etiam quæ dicit Paulus quando dixit Imbrium aqua æstiuæ, quæ tonitru decidit, præstantior est, quàm quæ nymbis dimissa est patere cuilibet potest, quantum libellus de bonitate aquæ à Galeno & veritate distet, qui Vernales, & Hyemales pluuiæ aquas optimas esse asserit. Male igitur intellectus Paulus nobis obiectus est.

Quod vero ex Aëre nobis opponit, facile diluitur,

licet enim aquarum, quæ bibuntur pluuiialis lenissima sit, non tamen licet inferre, ergo optima. Cum, vt sæpe dictum sit, & id repetere non sit ab re. Ex duobus aqua recipit nobilitatem, vt testatus est Isaach, & idem velle videntur Hippocrates, & Galenus, cum optime aquæ indicia ponunt, videlicet, nobilitatem in sui substantia, quod sit limpidissima, iucundissima. &c. & ex origine sui cursus, quod versus orientem vergat. &c. quæ in pluuiali aqua minime inveniuntur, sed in fontana omnia manifestantur. Sed si Aetius recte consideretur, hæc aqua pluuiæ multa habet vitia, præsertim quod excretionem impedit, cum adstringens sit, & alui duritiem facit, cuius contrario semel, & bis in die indigemus.

Quæ vero ex Celso adducta sunt, cum eadem sint, eodem diluuntur modo. Cum enim nihil aliud dicat, nisi quod aqua pluuiæ sit lenissima, ex hoc inferri non potest, nec debet, quod sit optima, eo etiam maxime quia si pares in pondere sint, non tamen pariter optime, vt Celsus dicit. Sed ea, quæ celerius calefit, & frigefit, & ea in qua legumina celerius concoquuntur, optima censenda erit, & experimento conuincitur, in fontana, quàm in pluuiali celerius legumina concoqui.

His autem quæ ex Isaach obiiciuntur, sic satisfaciendum est. In dietis particularibus cap. de aqua dixit Isaach. Laudabilis aqua duo in se continet, vnum est ex sui essentia, vt claritas, & humiditas, nullum habens saporem, nec colorem, &c. Aliud est origo sui cursus, nam necesse est, vt sit contra orientem aliquantulum Septentrionali pertinens plagæ, ut septentrionalis, & orientalis ventus eam perflet, &c. Sed pluuialis aqua solum primam bonitatem habet, fontana autem optima habet utranq. Cum uero dixit, quod omnibus aquis illa est electior, quæ uicine ab aeris summitate cecidit, munda tamen si fuerit ab omni putredine. Si ipse intelligit, qd sit electior inter aquas pluuiiales concedimus, ut supra. Si uero absolute omnibus aliis aquis, negamus, si sibi constare uult, qd laudabilis aqua duo in se contineat. Et quomodo est electior si, ut dicit, aqua in Cisterna morans suscipit qualitates malas à tumositate terræ. Si uero sit electior, quia, ut inquit, minus habet humiditatis, & quiddam stipticitatis, unde non nocet stomaco, sed potius eum confortat, dico, qd consideratio talis de ea est, ut medicamentosa, sub cuius ratione aqua potabilis non consideratur. Id etiam quod ab eo dicitur quinto theoricę cap. xcix. in quo loco citat Hip-

pocratem ea responsione, quam supra diximus, soluitur nodus. Quid autem Rasius dixit, fuit ab eo acceptum, & extractum ex libro de bonitate aquæ, & a titulo deceptus. Et si quis etiam hos aliter intelligat, perperam sentiet. Et quæstio non petit opinionem, nisi Hippocratis, & Galeni.

Ultimæ rationi adductę respondendo, nobis etiam liceat ad eos argumentum reflectere, & ex Galeno, Oribasio, & Paulo, sic syllogizare, Omnis aqua, quæ celeriter hippocundria pertransiuerit, est optima, & nulla melior querenda est. Sed fontana cuius fons ad orientem est prorumpens, &c. ergo optima Sumptum est aduersarii. Adsumptum ponunt, Galenus, Oribasius, & Paulus.

Vt autem manifestum sit nos non fugere argumentum eorum, neque solutionem denegare, petendo ab eis nostri argumenti explicationem exponemus litteram Gal. qua dilucidata, apparebit solutio argumentationis eorum, & quod nihil contra nos habent, & nostra opinio uera, & constans, subsistet inquit Gal. primo de tuëda ualitudine. at frigide porione omnino prohibendos eos, scilicet, pueros esse non censeo quod tamen aliqui faciunt. Verum a cibo, ac plerumque per calores cum ipsis cordi erit, uti non displicet.

Et declarans, quæ est illa aqua, qua puerum vti non displicet. et inquit. Potissimum vero si copia adsit fontana recenti. Vbi uerum illud potissimum, etiam si ad plura comparetur, significat optimum, & præcipuum. Galenus ergo fontanam aquam cæteras omnes in bonitate, & ad humanum vsum, & potum præstare manifeste asserit, eo, quod dixerit, potissimum. Quia tamen non omnis fontis aqua aliis præstat. Ideo dicit, fontanam potissimum dico, non tamen omnem, sed cui nulla qualitas vitiosa aliunde sit contracta, ut ea, uidelicet est, quæ ad haustrum tendit, & prorumpit. Et sequitur, quod si non sit copia fontanæ aque, qualis dicta est, puer utatur reliquis, scilicet, aquis a fontana, ut stuuiali, puteali, cisternina, & huiusmodi. Et quia præter fontanas aquas multæ sunt, quibus puer uti non debet, cauet Galenus, quæ sint illæ dicens. Cauendæ uero sunt, quæ ex stagnis hauriuntur, & quæ turbidæ, & quæ male olentes, & quæ salsæ deniq; in quibus qualitas aliqua gustu deprehenditur. Et cur has non prober, causam affert, fingendo animo suo optimam aquam, ad quæ ceteras alias referat, & dicit, quando quæ optima est, quæ scilicet, est fontana, ut supra diximus, penitus non gustui modo, uerum etiam olfactui omnis qualitatatis

DE BONITATE AQVAR. XXXIII

litatis expers videbitur. Ita, vt aquam illam probe Galenus (si fons non adest) quæ penitus non gustui modo, verum etiam olfactui sit omnis qualitatis expers, & alias etiam conditiones bonæ aquæ ponit quod, scilicet potui sit iucunda, & plane pura, quod si cum istis conditionibus alia addatur, quod præcordia celeriter transeat, nihil est inde, quod magis idoneam requiras, quoniam scilicet talis probata est, tum gustu, tum olfactu, tum visu. Hæc autem vltima conditio necessaria est, quia dixit Gale. Si qua est, quæ pura sit, & limpida, nec potui insuavis, nihilo secius tamen circa præcordia hæret, hæc vitio non caret, sed semiuitiosa est, atq; ab ea abstinendum cense Gal. cum prorsus est frigida, calida vero eum non terret. Conclufit itaq; Gal. qd si fons non adest, & talem aquam diuersam à fonte inuenias, qualem diximus, nõ quæras meliorẽ, quia aqua, quæ gustu, olfactu, visuq; probat, & cito præcordia trãseat, melior inueniri non potest (si fons non adest) & licet melior inueniri non possit vbi fons non est, tamen ipsa non est optima aquarum, quia principatus bonitatis aquæ soli fontanæ aquæ tribuitur a Gal. cum dicit potissimum. Itaq; si fons non adest, & Cisternina aqua habeat illas conditiones, nulla alia melior est

eligenda, non tamen ipsa est optima, quia quod per
 superabundantiam dicitur, vni soli cōuenit. Et quia
 Galenus intendit nobis assignare optimam aquam
 absolute duobus instrumentis, videlicet, experimen-
 to, & ratione. Nam hæc duo apud omnes homines
 fidem faciunt de his, quæ sunt inuenta, siquidem ra-
 tio non leue momentum obtinet ad experientiam,
 vel ornandā, vel corrūpendam. Ideo dixit Ga. Ac tu-
 rissimum quidem sit experientia ipsa de huiusmo-
 modi aqua iudicium fieri, tutissimum dico, si expe-
 rimentum fuerit ratione comprobatum. Sed quia ex-
 perimentum fallax est, & qui solo experimento cre-
 dit, quantum errer, Gale. legat. iii. Methodi Item
 quæ per experimentum cognoscuntur, longo vsu id
 haberi necesse est. Idcirco in litera subiungitur, q̃ si
 quis est, qui ex notis per scientiā, & cognitionē vim
 eius prenosce malit, cuius fons è petra leaturiens cō-
 tra Septemtriones fluit, Solemq; auersum habet hāc
 egre concoctum iri tardiq; transitus esse putandum
 est. Eadem nimirū calefiat, frigefiatq; tarde. Contra
 cuius ad Orientem Solem fons erumpit quæq; per
 meatum aliquem mundum, aut puram colatur terrā
 eademq; calefit, ac refrigeratur ocissime, hanc omni
 ætati vtilissimam esse existimandum est. Neq; enim

DE BONITATE AQUAR. XXXIIII

sicuti vino, escis, exercitatione, vigiliis, somno, ac venere, aliis alias pro ratione ætatis expedit. Ita de aqua quoque statuendum est. Sed quam nunc optimam indicauimus, hac uti puero, inueni, seni conducit. Hæc Gale. His nunc sic explicatis facilis est cauilli explosio. Nam cum dicitur, Omnis aqua, quæ celeriter hippocundria pertransit est optima, hanc negamus. Sed debet addi dicendo, Omnis aqua fontana, quæ celeriter transit, est optima, & sub hac non licet sumere hanc uidelicet. Sed aqua pluuiatilis est aqua fontana, quæ celeriter. &c. Nec Galenus eam sic posuit, sed, ut supra dictum est, uidelicet, quod Galenus duas posuit propositiones, primam, uidelicet, Aquam fontanæ esse optimam, cum in principio sermonis dixit, Potissimum fontana. Et in fine facto sermone de Fontana dixit hanc esse utilissimam omni ætati, & inde. Sed quam nunc optimam indicauimus. &c. Aliam propositionem posuit Galenus, quod si non est copia Fontanæ aquæ puer utatur reliquis, quæ si limpidæ, puræque sint, & reliquæ, & cito pertransierit præcordia, nulla melior quærenda est, Sed supple, Si copia fontanæ recētis esset, potissimum hac uti debet puer, quia hæc absolute est optima omnium aquarum.

ANDREA THVRINVS

Et quid verbis tot opus est, cum Gal. per scientiam, & notas non nisi de aqua fontium præbet noticiam de Cisterninis puteis, fluminibus nullam facit mentionem.

Sed non desino admirari hominum indiligentiam, qui aquam, quæ æstate pluit, quam solam commendat Hippo. non colligant, & magis demiror illorum Medicorum fatuitatem, qui hæc sic autumnò, & hyeme collectâ toto anno bibitâ, sumopere cõmendat.

Concludendum itaq; puto, aquam fontanam suis conditionibus fulcitam, Cisterninam excellere, non solum consensu Græcorum Medicorum, maxime Hippo. & Ga. Sed Arabum, & Latinorum omnium, Et vt ad cumulum nil desit, addatur authoritas Vlpiani Iuriscõsulti, qui dixit. Cisterna aquam viuam non habet, nec causam perpetuam, & imbris concipitur, ideo artem habet causam. Fons vero, & viuam aquam habet, & perpetuam causam, quia naturam. Et quantum natura artem viuum mortuum superant, tantum fontana aqua Cisterninam aquam superexcellit.

Iam tempus est receptui canere, & finem operi imponere, si tamen paucula de aqua Tyberis dixerimus in bonitate sua, inquit Aetius. In yniuersum aquarû

DE BONITATE AQVAR. XXXV

bonarum indicia summuntur a gustu, & ab incolarū experimentis. Optimam enim experientur celerrime calefieri, & frigesieri, facillimeq; carnes, & reliqua omnia coquere, & in ventre cibos conficere, quæ omnia in aqua Tyberis inuenies.

Vitruuius etiam cenſet, illas eſſe bonas, quæ ex profluente, & aperto fonte prodeunt. Vnde Socratis iudicium, & ſententia erat, non agendum in his locis eſſe, in quibus nec iuſtitia, neq; profluens aqua per rēnis erat, & proſequens Vitruuius dixit, Homines illos conſiderandos eſſe, qui circa tales aquas inhabitant, quam membrorum compositionem habeant, & ſi ſint corporibus valentibus, coloribus nitidis, cruribus non vitioſis, non lippis oculis, erunt tunc probatiſſimæ aquæ, Quo circa ſi his indiſciis aquam Tyberis perquires, eam optimam inuenies, longo etiam uſu, & experientia accedēte. Qua etiā Romani uſi ſunt, licet Rome, ſicut multa alia eximia fuerunt, ita & Gal. reſte, fontiu elegancia, & multitudo admirabilis erat. Nulla foetidam aquam, aut medicatam, aut turbidam, aut aſperā, crudāq; effundente, licet aquæ, ex Tyburrinis montibus per lapideas fiſtulas in Romanam Ciuitatem deriuabātur. Aliis quidem uitis carentes, crudiuſculæ tamen erant, ut neq; celeri-

ter calefierent, ut urbani fontes, neq; refrigerarentur.
neq; celeriter in ipsis, ut in fontanis aquis quæcunq;
inieceris elixentur legumina, & olera, & carnes Hæc
sunt amplissime domine, quæ pro disputatione pro-
posita mihi satis esse uidentur, & orationi nostræ fir-
nem imponentes Deo gratias ago. Tu vero bene va-
le omnium literatorum Mecænas, presidium, atq;
confugium, & me, ut soles, diligas.

Ioannes Baptista Phaellus Bononiens. Bononiæ im-
pressit. Quintononas Iulias. M. D. XLIII.



Errorum recognitio.

- Car. 3. Medico s pro Medicos, 7 eadem fac. multis pro multis.
Car. 6. fac. non optimam pro nunc.
Car. 7. vito pro vitori, 7 est validue pro 7 validus, 7 fluctationes pro fluctuationes.
Car. 8. fac. aud, p band, 7 temporis p teporis, 7 temporis p teporis.
Car. 9. fac. 2. sed si mediocris p sed si sit, 7 Alias p Alias, 7 igit enim pro dixit enim.
Car. 10. potius pro potius, 7 fac. 2. frigiditatis pro frigiditatis.
Car. 11. Policret statua pro Policreti, 7 affirmarem pro affirmaret, 7 Euacopozario, pro euaporatio, 7 fac. 2. quæ sana pro sane, 7 fac. 2. siccioris pro siccioris.
Car. 12. igit inquam pro igit inquam.
Car. 13. fac. conuenti pro conuenti.
Car. 14. in ignem pro in igneam.
Car. 14. fac. 2. ex tenuitus pro ex tenuis, 7 procuretur, pro procreetur, 7 extenuitus pro extenuatis.
Car. 15. fac. 2. aduentare p aduentaret.
Car. 16. simul quod pro quod.
Car. 17. 7 cū medicis p hoc, q medicis.
Car. 18. Quod si qua ra pura, ra superfluum.
Car. 19. fac. 2. eandem infert, pro eadem infert.
Car. 20. Ad secundam pro secundam.
Car. 22. fac. 2. optima est, est vnum superabundat.
Car. 24. fac. 2. caliditate intentissima pro intensissima.
Car. 32. fac. 2. Ubi verum p o verbum, 7 qualitas pro qualitas.

